

REGIONAL NEWS UNIT
ALL INDIA RADIO, AGARTALA
Date: 19-06-2024
Time: 07.35-07.40 AM Hrs
BENGALI MORNING BULLETIN

.....

PM Modi to visit Bihar:

প্রধানমন্ত্রী নরেন্দ্র মোদি আজ বিহার সফরে যাবেন। তিনি নালন্দা জেলার রাজগীরে নালন্দা বিশ্ববিদ্যালয়ের নতুন ক্যাম্পাস উদ্বোধন করবেন। প্রধানমন্ত্রী রাজগীরের World Heritage নালন্দা বিশ্ববিদ্যালয়ের প্রাচীন ধ্বংসাবশেষও পরিদর্শন করবেন যার সঙ্গে নবনির্মিত বিশ্ববিদ্যালয়ের গভীর সম্পর্ক রয়েছে। নালন্দা ইউনিভার্সিটি ভারত এবং পূর্ব এশিয়া সামিট (EAS) দেশগুলির মধ্যে যৌথ সহযোগিতামূলক ভাবে গড়া হয়েছে। উদ্বোধনী অনুষ্ঠানে ১৭টি দেশের মিশন প্রধানসহ বেশ কয়েকজন বিশিষ্ট ব্যক্তি উপস্থিত থাকবেন। অত্যাধুনিক পরিকাঠামোতে সজ্জিত বিশ্ববিদ্যালয় ক্যাম্পাসটি ৪৫০ একর জুড়ে বিস্তৃত। পরিবেশ সংরক্ষণের থিমের ওপর ভিত্তি করে ক্যাম্পাসটিকে 'নেট জিরো' গ্রিন ক্যাম্পাস হিসেবে গড়ে তোলা হয়েছে। বিশ্ববিদ্যালয়ের ছাত্রদের প্রথম ব্যাচ ২০১৪ সালে নথিভুক্ত হয় এবং রাজগীরের একটি অস্থায়ী ক্যাম্পাসে ক্লাস শুরু হয়।

Governor visit at Narkelkunj:

রাজ্যপাল ইন্দ্রসেনা রেড্ডি নানু গতকাল বিকেলে রাজ্যের আকর্ষণীয় পর্যটনকেন্দ্র নারিকেলকুঞ্জ পরিদর্শন করেন। রাজ্যপাল পর্যটনকেন্দ্রটি ঘুরে দেখেন এবং পর্যটনকেন্দ্রটির আরও আধুনিকীকরণের জন্য আধিকারিকদের বিভিন্ন পরামর্শ দেন। পর্যটনকেন্দ্রটিকে আরও আকর্ষণীয় করে তুলতে আরও কটেজ নির্মাণ করার উপর তিনি গুরুত্ব আরোপ করেন ১

নারিকেলকুঞ্জে আধিকারিকদের সঙ্গে বৈঠক করেন তিনি ১ রাজ্যপাল কেন্দ্রীয় সরকারের বিভিন্ন প্রকল্পের সুবিধা গ্রহণ করে স্থানীয় যুবকদের

কর্মসংস্থানে উৎসাহিত করতে এদিন পরামর্শ দেন। তিনি পর্যটনকেন্দ্রে কর্মরত স্বস্হায়ক দলের সদস্যদের সঙ্গে মতবিনিময় করেন।

নারিকেলকুঞ্জ যাওয়ার আগে রাজ্যপাল মন্দিরঘাটে পৌঁছালে গোমতী জেলার জেলাশাসক তড়িৎকান্তি চাকমা রাজ্যপালকে স্বাগত জানান। নারিকেলকুঞ্জ পৌঁছালে ধলাই জেলা পুলিশের পক্ষ থেকে রাজ্যপালকে গার্ড অব অনার দেওয়া হয়। সেখানে রাজ্যপালকে স্বাগত জানান ধলাই জেলার জেলাশাসক বিবেক এইচ বি, ধলাই জেলার এসপি অবিনাশ রায়। নারিকেলকুঞ্জ সফরে রাজ্যপালের সঙ্গে ছিলেন গোমতী জেলার জেলাশাসক তড়িৎকান্তি চাকমা, গোমতী জেলার পুলিশ সুপার নমিত পাঠক এবং পর্যটন দপ্তরের অধিকর্তা তপন কুমার দাস।

Food Minister-Press Meet :

রাজ্য সরকারের বিভিন্ন দপ্তরে ৪৬৯টি পদে লোক নিয়োগের জন্য রাজ্য মন্ত্রিসভার বৈঠকে সিদ্ধান্ত নেওয়া হয়েছে। গতকাল সচিবালয়ে এক সাংবাদিক সম্মেলনে খাদ্যমন্ত্রী সুশান্ত চৌধুরী একথা জানান। তিনি জানান, ৪৬৯টি পদের মধ্যে স্বাস্থ্য ও পরিবারকল্যাণ দপ্তরে ২২৬ জন জেনারেল ডিউটি মেডিক্যাল অফিসার (গ্রেড-৪)/সুপার স্পেশালিটি মেডিক্যাল অফিসার (গ্রেড-৩)-এর ১৬টি পদ, ১৭২ জন স্পেশালিস্ট মেডিক্যাল অফিসার (গ্রেড-৪) এবং অগ্নিনির্বাপক ও জরুরি পরিষেবা দপ্তরের অধীনে ৪৯ জন সাব-অফিসার (গ্রুপ-সি) পদে লোক নিয়োগ করা হবে। এই সবগুলি পদে লোক নিয়োগ প্রক্রিয়া টিপিএসসি'র মাধ্যমে সম্পন্ন করা হবে। তাছাড়াও খাদ্য ও জনসংভরণ দপ্তরের অধীনে ৬ জন ফুড সাব-ইন্সপেক্টর (গ্রুপ-সি) পদে লোক নিয়োগ করার সিদ্ধান্ত নেওয়া হয়েছে। এই ৬টি পদের নিয়োগ প্রক্রিয়া জেআরবিটি'র মাধ্যমে সম্পন্ন করা হবে।

Panchayet Election -Gomati :

আসন্ন ত্ৰিস্তৰীয় পঞ্চায়েত নিৰ্বাচনকে সাৰ্বিকভাবে সম্পন্ন কৰাৰ লক্ষ্যে গতকাল গোমতী জেলা শাসকৰ অফিস কনফাৰেন্স হলে এক গুৰুত্বপূৰ্ণ বৈঠক অনুষ্ঠিত হয় । এই বৈঠকে উপস্থিত ছিলেন গোমতী জেলা শাসক তৰিত কান্তি চাকমা, জেলা পুলিছ সুপাৰ নামিত পাঠক, অতিৰিক্ত জেলা শাসক সুমিত লোধ, জেলা পঞ্চায়েত অফিসাৰ, জেলাৰ সকল বি ডি ও গন সহ সি আৰ পি এফ এৰ কমান্ডেণ্ট প্ৰমুখ । জেলা শাসক জানান, জেলাৰ ত্ৰিস্তৰীয় পঞ্চায়েত নিৰ্বাচনে সি আৰ পি এফ এবং সাধাৰন পুলিছ নিযুক্ত থাকবে ।

Maan Ki Baat :

তৃতীয়বাৰেৰ মত প্ৰধানমন্ত্ৰীৰ পদে দায়িত্বভাৰ গ্ৰহণেৰ পৰ প্ৰধানমন্ত্ৰী নৱেন্দ্ৰ মোদী আগামী ৩০শে জুন আকাশবাণীৰ মন-কি-বাত অনুষ্ঠানে দেশ বিদেশেৰ জনগণেৰ সাত্বে মত বিনিময় কৰবেন। এটি হলো মন-কি-বাত অনুষ্ঠানেৰ ১১১ তম পৰ্ব। জনগণ মন কি বাতেৰ জন্য ভাবনা-চিন্তা ও পৰামৰ্শ টোল-ফ্ৰী ১৮০০-১১-৭৮০০ নম্বৰে শেয়াৰ কৰতে পাৰেন। এছাড়া নৱেন্দ্ৰ মোদী অ্যাপ অথবা মাইগভ ওপেন ফোৰামে জমা দিতে পাৰেন। আগামী ২৮শে জুন পৰ্যন্ত এইসব পৰামৰ্শ গ্ৰহণ কৰা হবো।

Update Akashvani :

শ্ৰোতাবন্ধুৱা, আকাশবাণীৰ সংবাদ সহ বিবিধ খবৰেৰ বিস্তৃত আপডেট পেতে লগ ইন কৰুন - ডব্লিউ, ডব্লিউ, ডব্লিউ ডট, নিউজ অন এআইআৰ ডট কম ও নিউজ অন এআইআৰ অ্যাপ, এবং টুইটাৰ অৰ্থাৎ এক্স প্ল্যাটফৰ্মে। আপডেট পেতে দেখুন আকাশবাণী নিউজ আগৰতলা / ফেসবুকে এআইআৰ নিউজ আগৰতলা এবং ইউ টিউবে এআইআৰ নিউজ আগৰতলা।

Yoga Rally:

আন্তর্জাতিক যোগা দিবসকে সামনে রেখে আগামী ২০ জুন এক রেলি আগরতলায় অনুষ্ঠিত হবে। পশ্চিম জেলা যোগা অ্যাসোসিয়েশন এবং স্টেট আয়ুর্ষ মিশনের যৌথ উদ্যোগে এই রেলি সকাল সাতটায় এগিয়ে চলা সংঘের প্রাঙ্গণ থেকে শুরু হবে। পরে বিভিন্ন রাজপথ পরিক্রমা করে পুনরায় এগিয়ে চলা সংঘের প্রাঙ্গণে এসেই শেষ হবে। ঐদিন সকাল সাতটায় রেলির উদ্বোধন করবেন প্রধান অতিথি এবং উদ্বোধক রাজ্যের যুব কর্মসূচী ও ক্রীড়া মন্ত্রী টিংকু রায়। এছাড়া বিশিষ্টজনেরা রেলিতে অংশ নেবেন। পশ্চিম জেলা যোগা অ্যাসোসিয়েশনের সভাপতি উত্তম দেবনাথ এখবর জানান।

Yoga preparation in Gomati:

আন্তর্জাতিক যোগা দিবস উপলক্ষ্যে আগামী ২১ জুন গোমতি জেলা ভিত্তিক যোগা প্রদর্শন হবে উদয়পুর চন্দ্রপুর সিন্ধেটিক ফুটবল মাঠে। এজন্য যাবতীয় প্রস্তুতি খতিয়ে দেখেন জেলা শাসক তরিং কান্তি চাকমা ।

Aradhya Wins:

কাজাকিস্তানে অনুষ্ঠিত অনূর্ধ্ব ১০ বছরের এশিয়ান যুব মেয়েদের দাবা প্রতিযোগিতায় অষ্টম রাউন্ডে গতকাল জয় পেল রাজ্যের আন্তর্জাতিক দাবাড়ু আরাধ্যা দাস। ফলে উঠে এলো ষষ্ঠ স্থানে। অষ্টম রাউন্ডে ভিয়েতনামের দাবাড়ু গোছেগা দুতুং'কে হারায় আরাধ্যা। ৮ রাউন্ড শেষে আরাধ্যার পয়েন্ট সাড়ে পাঁচ।

WEATHER :

আবহাওয়ার পূর্বাভাসে জানানো হয়েছে, রাজ্যে আকাশ প্রধানত: মেঘাচ্ছন্ন থাকবে। বিভিন্ন এলাকায় বজ্র-সহ বৃষ্টিপাতের সম্ভাবনা রয়েছে । আবহাওয়া

দপ্তর থেকে বজ্র বিদ্যুৎ সহ ঝড়ো হওয়ার সতর্কতা জারি করা হয়েছে
ধলাই, উত্তর ত্রিপুরা, উনকোটি পশ্চিম ত্রিপুরা জেলায়।
